

Nedeljko Lubura i dr. (2 osobe-korupcijsko krivično djelo) -akcija "Trn". Optužnica podignuta 08. januara 2024.

Uvod

Optužnica je podignuta za korupcijsko krivično djelo u predmetu u kojem su dokazi pribavljeni iz aplikacija Sky i Anom, uključujući jednog optuženog koji je u vrijeme činjena krivičnog djela radio za Ministarstvo unutrašnjih poslova.

Ime(na) optuženog/optuženih

1. Nedeljko Lubura, rođen 1975. godine u Čelincu, državljanin BiH, u vrijeme počinjenja krivičnog djela je bio zaposlen u Ministarstvu unutrašnjih poslova RS,

2. Bojan Roguljić, rođen 1981. godine u Banjoj Luci, državljanin BiH i Republike Srbije

Optužnica

Optuženima se na teret stavlja udruživanje, krajem 2020. godine, radi nezakonitog transporta lica M.I. preko državne granice u Bosnu i Hercegovinu. Bili su svjesni da je Interpol izdao potjernicu za M.I. na zahtjev agencija za provedbu zakona Crne Gore zbog sumnje na pokušaj ubistva dok je to lice bilo u Sloveniji. Pored toga, okrivljeni su bili upoznati s tim da je M.I. posjedovao krivotvorene bosansko-hercegovačke lične dokumente i lažni identitet. Koristeći policijske resurse i provjere u sistemu IDDEA potvrdili su da je putni dokument nevažeći. Nakon toga je Roguljić preko aplikacije SKY ECC za šifriranu komunikaciju obavijestio M.I. te dogovorio detalje sastanka u Sloveniji. Lubura je potom zloupotrijebio svoje ovlasti u Ministarstvu unutrašnjih poslova RS angažirajući službeno vozilo opremljeno svjetlosnom signalizacijom za ilegalan prijevoz osobe za kojom je raspisana potjernica i zaobilaženje graničnih kontrola u Bosni i Hercegovini.

Krivična djela za koja su optuženi

Krijumčarenje lica (Član 189 Krivičnog zakona BiH) i Zloupotreba službenog položaja ili ovlaštenja (Član 315 Krivičnog zakonika Republike Srpske).

Sudski postupak

Optužnica potvrđena: 10. januara 2024.

Presuda

S obojicom optuženih postignut je sporazum o priznanju krivice i Sud BiH je 11. marta 2024. izrekao sljedeće kazne:

Nedeljko Lubura, u vrijeme počinjenja krivičnog djela zaposlen u Ministarstvu unutrašnjih poslova Republike Srpske osuđen je na zatvorsku kaznu u trajanju od dvije godine

Bojan Roguljić, kažnjen zatvorskom kaznom u trajanju od jedne godine, te novčanom kaznom u iznosu 10.000 KM

Status predmeta: Zatvoren

„Ovom objavom ne prejudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“